

La to fuee benedete
bisugne ringraziá
e bisugne laudá
arbul senze pretese
che tu fasis la spese
a tante int !
Ma il mont al è cussì,
ni zove lá a cirí
di bant cemût c' al è
il malegnâs « parcè » !
Cui l'è nassût par dá,
stá pùar e lavorá :
e cui, senze fá nie,
no dá, ma.... meti vie !

F. NIMIS LOI.

Invidiòs tan' che la marí di S. Piéri.

Dopo muart, san Pieri al lè in paradís, e il Signór lu creà portir e uardiàn dal cil, par cui cence il so permès lassù nissun pò entrá.

Quan' che il Signór al s' incontrave nel capo dei siei apuestui, lu viodeve simpri avilît e une di i domandà :

— Ma Pieri, ce mai àstu ch' i tu sês simpri di male voe ? No ti ciàtistu forsi ben, cà tu ?

E San Pieri i rispundè :

— Viódiso, Signór, jo soi cà a gioldi lis uestris glòrüs, e pùare mé mari invezze jé fra lis plui duris' penis a fons di cià-dal-diaul ; si uelis viodimi legri, acordaimi la grazie c' a vegni ca su ance je.

— Ben — disè il Signór — Va tu sul ciast dal paradís, e s' i tu ciatis une sole buine aziòn fate da to mari, vâliti di ché par liberale e tirále sù.

San Pieri beât e contènt corè sul ciast a cirí, e al ciatà nome une pizzule rieste di ài che so mari une volte veve dade di carità. Cun ché al lè jù subit tal infier e i 'è slungià a so mari par che si pïàs intòr e vignìs sù in paradís cun lui. Sò mari si tacà a chel debul sostegno,